



安徽通志

ル 5
1575
86



1075
86

重修安徽通志卷二百六十三

人物志

方技二

池州府

宋張賁字元明青陽人爲宣州司理工畫

江南通志

明陸仲遠青陽人醫不嗜利軒履到門日數百而園池竹石觥

籌鏗鏗然自樂也年老思九子芙蓉不能去遂家姑溪著有干

金聖惠方

江南通志
太平府志

僧曉雲上雲寺僧善治痘他醫以爲可藥者曉雲獨不可他醫

以爲不可藥者曉雲獨可計月斷生死無一差不責報

江南通志
舊志

羅世頌青陽人性孝友親歿廬墓後棄儒爲醫常入山採藥遇

異人授以祕術活人甚多

江南通志
舊志

重修安徽通志

卷二百六十三

人物志

方技

一

池州府



國朝何其滄銅陵人善岐黃不計利著有幼科指南一書活人甚

眾同邑王世澤亦善幼科著有幼科金鍼又奈繼第者嘗有川

撫延之治幼子病一劑而愈餽之金不受飄然而去銅陵縣志

李蕃銅陵人其父應揚嘗遇異人授之醫術蕃世其業著有醫

言行世銅陵縣志

梁應達建德人工為鐵花凡畫工所不能傳者皆能以鐵傳之

其技在湯天池前今人但知天池不復知應達矣建德縣志

江之翰字羽白建德羽士工詩善書尤精堪輿之術相墓畫地

為圖即知休咎著有地理纂要建德縣志以上舊志

太平府

漢沈建丹陽人好道服食導引工治病應手而愈嘗遠行寄僕

婢併所牧羊於人各與藥一丸皆不食建歸復與藥一丸食如

故仙

晉薄紹之字敬叔丹陽人官至給事中善書憲章小王風格秀

異若干將出匣光芒射人書斷

南宋沈宗丹陽人善占卜義熙中左將軍檀韶鎮姑孰好獵善

格虎一人皮鞮乘馬從數人來占云向東求食好向西求食好

宗為作卦曰東去吉遂東去數十步人馬皆化為虎是歲虎暴

非常太平府志

徐文伯字德秀丹陽人太守熙曾孫熙好黃老隱秦望山有道

士授以扁鵲鏡經曰君子孫當以道術救世因精其學子秋夫

工其術世傳為鬼鍼腰痛秋夫生道度道度生文伯孝武時太

后病眾醫不識文伯曰此石博小腸耳乃為水劑消石湯即愈

有宮人患腰文伯曰此髮癥以油投之吐得物如髮頭已成蛇

挂門上瀝盡一髮也遂瘥南史張邵傳

徐嗣伯字叔紹文伯從弟直閣將軍房伯玉患冷嗣伯曰君伏熱須冬月以水發之至十一月冰雪大盛令伯玉解衣坐石二人夾之以冷水澆之盡二十斛伯玉噤欲絕盡水百斛始能動背上氣彭彭起熱不可忍啖以冷水遂差又常以死人枕煮之療人病不同而皆差嘗春月出南籬聞呻吟聲曰此病重甚即入視之一老嫗體痛處處有黥黑無數煮斗餘湯服之痛愈甚跳投牀者無算所黥處皆突出釘長寸許嗣伯曰此釘疽也其神異如此南史張邵傳

隋耿詢字敦信丹陽人陳後主時從刺史王勇至嶺南勇卒其郡俚叛推為主王世積討擒之罪當誅自言有巧思得釋為奴見其故人高智寶以元象為太史從受天文算術創意造渾天

儀不假人力以水轉之候天時皆合世積奏之高祖使給使太史局煬帝即位進鼓器帝善之放為良民後授右尚方署監事東征詢上書諫煬帝怒欲斬之以何稠諫得免平壤之敗帝以其言中使為太史丞及宇文化及弑逆詢欲去之為所殺著烏情占一卷行於世隋書庾秀本傳

宋祝次仲字孝友太平人工山水尤善草書江南通志

明何中立當塗人善占卜知休咎太祖定鼎金陵詔同劉基定皇城趾向授五官保章太平府志

陸惟恭當塗人診視太祖有功除太醫院判子才景泰閒亦任院判京師稱陸一帖謂愈不再續也才生三子長豫次道嘗任蕪湖訓科又次道源任太醫院御醫豫子敏以太醫院醫生中景泰元年順天鄉試敏弟啟任本府正科陸氏代以善療傷寒

名敬尤收速效功觀形色即知病源一時重之太平府志

王哲蕪湖志蕪湖人永樂閒以良醫副進修職郎多禁方太平府志

彭正字思直當塗人永樂閒以良醫再使西洋子賓世其業天

順中乘傳療諸王所至奏效江南通志

王容字志宏當塗人天順閒命療邊關戰士多愈授王府良醫

副同邑唐貴卿以婦人科亦授醫副貴卿弟正卿醫有奇效不

計人酬一郡德之太平府志

濮鏞字景鳴世以眼科名著杏莊集授良醫副進修職郎同邑

喻守澗以良醫活人無算太平府志

邢狗兒當塗邢珣僕也珣守贛宸濠之亂珣每戰狗兒以身翼

之輪刀直前所向披靡珣以文臣著戰績狗兒力也珣卒一日

珣妻及諸子欲觀狗兒舞刀不可強之曰刀神物也必欲試之

可以空室局余於中汝等但從隙中窺之不可近也如其約則

見刀光似雪杳不見人大風如吼久之不息狗兒疾呼曰速以

二雞擲入從之乃止蓋刀得血而後收也後不知所終太平府志

王綖字大儀蕪湖人發其先世所藏諸方書潛心探究遂成名

醫目手所及生死判然為醫主理中氣不襲陳言或遇奇疾用

鹽泥簪耳投之神效性孝友亦能詩卒年八十九太平府志

楊瑗字師蓮當塗人官王府教授善繪園圃菜茹莖細嫩葉

蝕蝸篆生趣盎然江南通志

陰有瀾字九峯蕪湖人官太醫院吏目博覽羣籍尤精性理其

治疾根極五行生剋洞徹膏肓計日報可暇即延請師儒講究

理學卒年八十八太平府志

劉繼芳字養元蕪湖人精治外科得肘後之傳著有發揮十二

動脈圖解并怪證表裏因等集子翹鯉世其家學亦負重名官
大醫院吏目三子騰鯉拔貢生官靈寶縣知縣

太平府志

萬孔魁字仁林繁昌人精醫南陵有少寡七月天癸不通腹膨
且大家入延孔魁密謀墮胎孔魁一按指即大呼曰此血結也
服藥後當下血數斗頃之如其言冤乃白時稱為神性好施予
嘗捐金全婚周急無德色卒年八十四

太平府志

徐文行字觀海繁昌人醫有奇效有患虛怯者絕食數日聞步
履聲驚悸欲死文行切其脈令移所治酒脯置榻前賓主呼盧
不移時病者已愈七八文行曰此脾病也前醫誤耳投劑飲之
數日如故

太平府志

謝承文字郁字當塗人洞徹醫理決人生死無爽有黠者欲試
之見文至跨高而墮仆地佯死文診之曰速治棺具無生理矣

頃之其人果死蓋飽食以墮而腸斷也一夕與所交飲握手言
別察知其脈有病急合藥以俟少頃其家果踉蹌言急病欲死
以藥與之一服而蘇

太平府志

童應傑號養春蕪湖人治病奇效授醫學訓桂王之藩道經蕪
湖世子病篤醫皆畏避應傑獨往診之令以土藉之投以潤藥
應手而瘳蓋久在舟中木火與併也王欲延之至藩懇辭而歸

太平府志

沈大望字震甫蕪湖人病人貧乏出參耆療之不使之知崇禎
季年太池時疫大作全活無算

江南通志

國朝濮澄字仲謙當塗人以鏤刻擅名一切犀玉髮竹經其手古
雅可愛一簪一盃傳為珍玩

江南通志

芮養仁字六吉當塗人醫有別解著醫經原始五方宜範諸書

江南通志

陳醅儒字蔚宗當塗人爲諸生有名工漢隸八分尤善山水於化城寺構書巢牙籤萬軸著杜律解行世性慈善喜施創建育

嬰堂

江南通志 太平府志

俞文字武先繁昌人善行草書直入晉人之室畫變化於董米

倪黃之間迴非時手所及

江南通志 太平府志

江舟字虛舟繁昌人精天文象緯之學究心六書著有五聲韻

府金吾四集畫龍虎自成一家

太平府志

余鶴字觀五繁昌人因父病棄儒業殫心於醫竟陟其巔嘗過

病婦家氣已絕鶴卽入診之索巴豆半斛瀝油著於楮灼煙入

鼻經食頃嘔痰數升病遂立起著有醫砭一卷

太平府志

史紀策字贊明當塗人世外科著一人病瘡痛癢不能忍紀

策曰此蝨病也刀破之蝨涌出而愈一人爲讎所害以寸鍼刺

入腹投以藥鍼自出一人頭頂出氣腦若火灸紀策令劇飲酣

睡以鍼刺涌泉出膿盃餘醒而遂愈

太平府志

吳天植當塗人精痘科藏有奇驗方書活人甚多子文修能世

其業惜後失傳

太平府志

沈達士當塗人精幼科活人不言酬邑皆德之子天錫亦以醫

名同邑陳隆世業醫曾孫日超邑諸生活人尤多

太平府志

祝昭字亮臣當塗人能詩善八分至彈琴作畫鐫碑刻印諸技

莫不精絕士大夫皆重之

太平府志

姚宋字雨京蕪湖人山水師雲林梅師靖江能吟咏善彈琴至

於指頭朽木皆能任意揮灑而西洋編紙尤爲精絕

畫徵錄

彭濬字芥舟蕪湖人能詩尤工山水花卉仿石田白陽幾於亂

真同邑劉塾字梅江工人物蕪湖縣志

俞子才蕪湖人精研本草神會意解同邑沈省神明古方稱為

國醫著有集驗等方行世蕪湖縣志

後呂僊蕪湖人精六書善摹印同邑諸葛祚善鑄銅章腕力深

入蒼老秀健沈歸愚極重之蕪湖縣志

梁璠字崑璧蕪湖人工花鳥草蟲得徐黃意蕪湖縣志

王維翰蕪湖諸生精醫能神明古法子志仁孫道亨皆世其業

同邑梁琦得異傳接骨生活甚眾年踰九十姪庠生誠基孫訓

科召膺並能繼志蕪湖縣志

袁令德字懋昭蕪湖諸生子州判標孫州同知一舉三世精醫

名動公卿蕪湖縣志

汪克敦朱素文蕪湖人皆善琴蕪湖縣志

湯鵬字天池蕪湖人能採鐵作畫花竹蟲鳥曲盡生致又能作

山水屏幃好事者以木範之懸於壁或合四面成一燈鍾鑄之

巧前此未有也湯歿其法不傳或仿為之工拙懸殊矣仁和朱

文藻賦此云乍看似墨潑絹素山水人物皆空嵌風飄秀色動

蘭竹雪摧老幹撐松杉華軒偏人有寒氣盛暑亦欲添衣衫最

宜樺燭燒春夜千枝萬蕊發翠岩元明舊蹟共諦視轉覺暗淡

精神蕪湖縣志增以上舊志

廬州府

晉杜不愆廬江人少就外祖郭璞學易卜屢有驗邨超年二十

得重疾試令筮之不愆曰君所苦尋除然宜於上宮姓家索其

所養雄雉籠東檐下九月丙午日當有雌來交若雙飛去不出

二十日即愈年且八十若雄雉不去病一周方差年半八十如

其言至期果有雌雉飛來交畢雌去而雄不動超歎曰雖管郭之奇何以尚此超病果踰年而起年四十而卒不愆後為桓嗣

建威參軍

晉書本傳

宋章迪字吉老無為州人隱於醫善鍼術以其道救人傳子濟濟誓救三千人不復鍼又以父道付子權起病如神米芾志其

墓親為書石

廬州府志

趙廣合肥人為李伯時家小史伯時作畫每使左右久之遂善畫尤工畫馬建炎中陷賊聞其善畫使圖所掠婦女不可脅以刃不從斷右手拇指遣之而廣平生實用左手亂定惟畫觀音大士而已今所藏伯時觀音多廣筆也

老學菴筆記

明李恆字伯常合肥人洪武初擢周府良醫嘗奉旨集袖珍諸

方年老致仕王賦詩以餞命長吏瞿祐序其事

江南通志

林時字惟中合肥人善太素脈有一妊婦求治時語其家人曰夏得秋脈定死當在庚申辛酉閒果驗又駱善舒城人永樂閒太醫院判善同邑胡新成化閒太醫皆精於醫一時重之

江南通志

廬州府志

谷濱廬江人累官欽天監監正象緯豫陳無一不驗官至太常

少卿

廬州府志

郭民安字華臺巢縣庠生攻醫術遇病者如痂瘻之在己乙亥城陷令以下皆被執不屈賊次第殺之將及民安忽一賊奔救曰八十老翁降之何用殺之何為因得放歸後追記其人乃昔年窮途病夫施藥愈之者也弟民康醫亦有名

江南通志

趙修祿巢縣人工畫馬嘗寫大士千幅

江南通志

徐體乾巢縣人占易用左邵法與焦氏易林相符契其天文得

之劉誠意所著易解焦竑序之

江南通志

吳鵬廬州人習堪輿家言萬歷時礦稅忽開奸人欲徧發霍廖

金斗諸山中官暨祿率黨數十人入郡城人心惶懼鵬為危論

動之全廬得免發掘之擾所著有五寶經

廬州府志

仰廷宣無為人隱於繪事好為大幅陳繼儒稱之又葉廣巢縣

人所寫漁樂圖遠近傳為珍玩

廬州府志

楊名遠巢縣人楊義之後義晚年家居畱心仁術有名醫以女

科來謁義命次子師之遂精其術至名遠已八世專精至誠益

著奇效

廬州府志

蔚之瑚合肥人精岐黃崇禎辛巳大疫普施藥餌全活甚眾

廬州府志

趙連城字我維其先本楚人後家無為世業醫有奇效尤善拳

勇先在劉將軍縉麾下為火藥局都司剿鄖襄流賊有奇功後

以故去官生平便捷善射百步外飛石取人毫釐不爽至於戈

矛刀劍之術無不窮極精能一可當百

廬州府志

國朝吳嘉善合肥人事母以孝聞崇禎十三年大疫有求醫者

應以方藥但期病愈未嘗計利順治九年早疫亦如之卒年九

十三

廬州府志

許學文合肥人精醫尤善幼科著有痘科約言保赤正脈二書

江南通志

曹夢鹿無為諸生性孝友以文章著聲嘗游華山遇異人授陰

符數術及韜鈴等藝無不精妙

廬州府志

朱觀象無為人清介端方衣荷食橡援琴自適博古通今以至

書畫堪輿理數諸祕皆探微奧

廬州府志

重修安徽通志

卷二百六十三

人物志

方技

九

廬州府

李亨字仲仁無為人工畫花鳥蟲魚皆絕妙廬州府志

蔡宏字秋浦無為人工染翰韓學士葵嘗贈之以詩同州孔瑜

字琢文官穎上教諭善畫山水廬州府志

秦堅字屹高合肥人習天官家言嘗入欽天監得聞西洋利瑪

竇湯若望諸星法及天文諸書後遊江浙言人禍福壽夭皆奇

驗客蘇州自知死期命子瑞麟具湯沐至期無疾而逝廬州府志

程正朝合肥人雍正癸卯舉人精岐黃廬州府志

張振乾馮聖傳俱巢縣人皆工繪事廬州府志

雍熙日字皦如方如鼎字周從皆無為人善圍棋前後稱國手

方正晉合肥人善岐黃尤精眼鍼廬州府志

後祺字咸吉無為諸生喜吟咏工染翰書法高出一時肇窠大

字尤妙弟禮號鐵峯以蘭竹著名筆力健勁其竹幅愈大愈妙

觀者如在竹林無為州志

宋金鏞字杏莊無為人精痘科不爽毫髮同州王朝憲字叔安

能療奇疾治傷寒尤精妙又有湯載者治傷寒無不奇效廬州府志

葉文舉字公遠合肥人能採丹谿河閒之奧多所全活子天彝

復得祕授著有醫宗思知錄同邑董生和其先為名醫至生和

九世能療奇疾廬州府志

張名蕃字鎮寰無為人精幼科廬州府志

王緒號雪舟無為人工山水人物獨冠一時弟紳亦以畫著名

兄弟皆年踰八十無為州志

李容讓字聖輝無為人乾隆己酉舉人工詩善畫山水尤得北

苑遺意無為州志

鳳陽府

漢朱建平沛國人善相術嘗相荀修鍾繇曰荀君年雖少然當以後事付鍾君又相魏文帝夏侯威應璩言其年壽無不皆驗荀修卒鍾繇經紀其門戶與人書曰追思建平之妙雖唐舉許負何以復加太平御覽 東觀漢記

宋崔白字子西濠人善畫花竹羽毛芟荷鳧雁道釋鬼神山林飛走之類尤長於寫生極工於鶯所畫無不精絕神宗命與艾宣丁貺等共畫夾竹海棠鶴圖白為諸人冠補圖畫院藝學嘗作謝安登東山王子猷訪戴二圖為世所傳宣和畫譜

崔慤字子中白之弟也官左班殿直工畫花鳥筆法與白相似尤喜作兔自成一家宣和畫譜

丁貺濠人善畫花竹翎毛神宗時命與崔白等共畫垂拱御展

圖一時榮之宣和畫譜

惠崇壽陽人工詩畫有名於時鳳陽府志

金武正宿州人祖某官太史棄官歸農正精易數貞祐開行樞密院以上客禮之軍事所諮其應如響江南通志

王博韓熒皆宿州人醫道通神王路遇昇棺驗其血不死啟棺鍼之子下母甦一金陵賈病危韓謂不過中藥毒投以甘草湯而愈又宿州衛百戶季景少時弱疾不起延二人視之韓決其

速愈壽八十餘王再視謂八十四果如其言江南通志

元朱肯堂懷遠軍荆山人與宋贊劉彥實朱瑩秦子通等醫皆五世知名惟子通仕至太醫院提舉懷遠縣志

明郝志才濠人太祖微時病篤志才鍼之而愈洪武初召為太醫院判後請老以其子文傑代為院使江南通志 鳳陽縣志

趙道震字處仁定遠人其先自金華來徙精醫術活人甚多永

樂時召修大典運氣書年八十四卒著有傷寒類證行世江南通志

何欽字大敬懷遠人世業醫至欽愈精凡經診視生死不爽學

者請究其術欽曰先讀易以察時變讀禹貢識九州山川風氣

博習方書歸約於內經始可與汝言耳王鴻儒奉使鳳陽采輯

憲宗實錄疾作延欽一劑而愈鴻儒為文記之江南通志

胡連鳳陽人洪武中官工部主事善楷書又宋椿宋梅臨淮人

椿善草書梅善飛白篆隸又臨淮以書畫名者吳孟熙善山水

吳釗許雪梅並善草蟲花鳥楊隆平善書嘗廣永字八法為七

十二法劉一鳳善行草書金焯善書尤長於畫鳳陽縣志

黃用卿鳳陽人通五運六氣善診脈知人疾病生死數年前多

驗鳳陽縣志

金綬懷遠人幼業儒兼習養生之術尤精於醫濠壽之閒全活

甚眾知府饒某得奇疾醫治不效綬診之藥三劑沈疴頓起

懷遠縣志

侯進忠字丹一鳳陽人世襲千戶升遊擊善草書大字自成一

家工畫梅蘭竹石尤精於射致仕歸結茅而居栽花種竹以琴

書自娛卒年九十鳳陽府志

道雄俗姓唐臨淮真如寺僧每施藥濟人無不奇效通韻學反

切卒年七十八鳳陽縣志

許長春號華修懷遠人善痘科鍼灸通神著有慈幼集六卷其

子謚能世其業挾術以遊福藩禮為上賓欲官之不受懷遠縣志

國朝陳應鴻鳳陽人善草書風骨遒勁江南通志

薛嘉猷字若采定遠人邑諸生工詩文尤善草書人爭寶之江南通志

通志

尹關字自公鳳陽人善畫其策蹇圖人物生動懸崖仄徑意致

清遠非俗工所能髣髴

鳳陽縣志

李九皋壽州人妙醫術屢治奇疾

鳳陽縣志

戚仁師壽州人明末官守備父卒於任徒步扶柩歸有疏族為

副將戰歿仁師上書御史遂獲贈廕身雖武職工書畫善岐黃

解官歸隱於市懸壺賣藥卒年八十四

壽州志

彭宗旭字立陽鳳陽人善畫以蘆雁得名同邑以書畫稱者尙

濱善山水人物吳肇善書程紹棟候選州同善行草陳一鵬及

子元皆諸生善行草兼工八分趙天德鮑涸皆諸生善真行書

鳳陽縣志

魏燦鳳陽諸生善弈書宗趙文敏年七十猶能作小楷

鳳陽縣志

王廷芳字又芬鳳陽庠生摹印得古法善醫尤長於治痘子耕

亦庠生善山水同邑蔡溥治病多奇效所著有狐白集醫統卒

年八十四子孫並世其業又有吳玉堂劉仁菴者皆善醫有奇

效

鳳陽縣志

劉靜涵臨淮人善畫卒年八十一同邑蔣其昌楊淡菴俱善行

草許守仁善畫李宗白善刻印章兼工山水黃烈歲貢善行草

吳乾尤蘭英劉俊俱邑諸生並善真行書

鳳陽縣志

胡寅臨淮人邑庠生善治痘

鳳陽縣志

劉宗亭壽州拔貢官宛平丞居官情正善詩文工書畫

壽州志

胡應亨宿州人本自徽徙精於醫歷代諸書罔不詳究有求即

應投劑立效著有傷寒輯要及雜證脈訣子芳仲能世其業

宿州志

趙應元壽州人遇異人授以白牛圖并方書一卷問其名不告而去應元精思三日頓悟其旨凡遇疾病以意療治無不奇效年八十餘卒

宿州志

杜先生定遠人專習痘科嘗謂一小兒必不救三日過其門聞啼聲知己變順證怪而入問言遇一搖串鈴者授以藥杜急訪之盡得其術自後雖遇奇疾無不治者

定遠縣志

白啟陽壽州人得祕授治疾無不效著有痘疫辨論

壽州志

凌奎揚定遠歲貢累世以藥餌濟人不受值其次子增生和勳尤精其業無往不效

定遠縣志

王顯文定遠人好善樂施善岐黃尤精痧痘應手而瘥

定遠縣志

方燭定遠諸生善醫貧者助以藥餌不受謝

定遠縣志

胡鍊壽州諸生醫不泥古方以意加減輒效又善自調攝卒年

八十四同州諸生許維華亦精於醫見請即往貧者優之卒年八十五人以爲多活人之報

壽州志以上舊志

張熊飛字仲翔懷遠武舉選興武衛千總道光十年奉

上諭來京聽候差遣九月隨禧恩前往易州

西陵勘選吉地十一月奉

上諭以衛守備升用旋補南昌衛歷順天龍泉關都司年八十二卒

懷遠縣志

縣志新修

穎州府

漢許曼汝南平輿人祖父峻善卜占之術自云少病篤三年不愈乃謁泰山請命遇道士張巨君授以方術所著易林行於世曼少傳峻學桓帝時隴西太守馮緄始拜郡開緄笥有兩赤蛇分南北走曼筮之曰三年後當爲邊將地有東名復五年更爲

大將軍南征延熹元年緄出爲遼東太守討鮮卑至五年拜車

騎將軍擊武陵蠻賊皆如占

後漢書本傳

華佗字元化沛國譙人游學徐土兼通數經曉養生之術年且百歲而有壯容陳珪舉孝廉黃琬辟皆不就精於方藥處劑不過數種鍼灸不過數處若鍼藥不能及者先以酒服麻沸散醉無所覺因剗破腹背抽割積聚繼而縫合傳以神膏皆平復曹操苦頭風佗鍼隨手而瘥託妻疾還操累書呼之不至乃收付獄殺之臨死出一卷與獄吏曰此可活人吏不敢受乃索火焚之佗嘗語弟子吳普曰人體欲得勞動但不當使極耳動搖則穀氣得銷血脈流通病不能生譬如戶樞終不朽也

後漢書本傳

晉隗炤汝陰人善於易臨終書版授妻曰吾亡後當大荒窮慎莫賣宅後五年有詔使龔姓者來頓此亭此人負吾金卽以此

版往責之炤亡家大困至期果有龔使者止亭中妻遂齎版責

金使者惘然良久曰賢夫何善對曰善易使曰我知之矣乃取

著筮之撫掌曰妙哉隗生含明隱迹於是告其妻曰吾不負若

金賢夫自有金五百盛以青瓮覆以銅柈去壁一丈入地九尺

知吾善易故書版以寄意耳妻還掘之果如卜焉

晉書本傳

明徐富生霍邱人以醫名元末避亂採藥金剛臺山中明洪武

開授太醫院

潁州府志

張玠字秀甫潁州人善醫有監司病塊投大黃數兩不動玠曰

脈細而附骨氣口虛是積在中央氣轉無力大黃反消胃耳法

當獨參兩餘可下如其言果下痰若敗卵數升又有陸吏目患

痛玠曰水溢脣正黑此蟲也投苦楝下蟲滿匱他神驗皆類

此江南通志

張葵潁州人正德己卯舉人作飛白能徑丈頗有奇氣畫法直
偃馬遠人多寶之江南通志

李葵潁州人醫術精妙有得奇疾聞人語輒昏絕諸醫危之葵
曰此陽虛不關陰可治也服其藥而痊著有醫方行世阜陽縣志

劉良潁州人任俠善射幼與陳州百戶孫勇善嘉靖庚戌敵犯
京師將有運飛又者眾皆辟易良謂勇曰迎之其人奮義前良

隱勇後發矢斃之推功於勇至都督又嘗宿富民家賊夜至良
發三矢皆應弦倒賊驚曰必劉良也皆遜潁州府志

黃鵠潁州人能詩善畫摹唐人塞馬圖幾亂真王世貞極重之
又喬無心者太和人畫臻神品潁州府志

張大本字汝立潁上人善醫方不盡如古能變化巧中有小兒
食田螺殼積於吭大本取雞若鴨涎共一器灌之殼立化左州

牧高天祐子痘攻於目目翳他醫治之而瞽次子復患是大本
視之曰是何難以葑柿蘸穀精草啖之數日翳退潁上縣志

張確字介石蒙城歲貢事繼母以孝聞著述甚富舉優行不讓
尤善岐黃應手而痊著有醫說行世子以謙諸生能世其業潁州府志

鄒貞卿蒙城增生精楷法碑銘多其所書潁州府志

張問政潁上人幼習醫於其父大本屢治奇疾曾見一貧家婦
死而斂其血甚鮮問政以為未死治之而生潁州府志

白鶴潁州人通數學能斷人生死歲疫死者枕藉乃潛心醫
理賣田施藥家以是落潁州府志

薛鳳翔字來儀亳州人仕至鴻臚少卿能詩尤以善書名深得
二王筆法所著有牡丹史採摭博洽焦竑袁中道為之序亳州志

曹永鼎字真陵潁州人善天文壬甲之學能詩善射夜步中庭

帶友人曰火在斗主兵大臣當之大司馬陳新甲果於是月死

李翽起兵殺賊永鼎常居幕中出奇制勝後賊袁時中詐降翽

欲往撫永鼎力阻不聽遂為賊所害阜陽縣志

國朝劉大潤潁州歲貢博學善文尤邃於數其門下士有令丹陽

者大潤推其必敗力止其行不聽後果罹禍潁州府志

李方岳字篤生太和庠生工山水尺幅中煙雲縹緲莫可端倪

同邑鄒鴻錫善草書能作大字潁州府志

趙澄字雪江潁州人筆墨秀潤南北宗俱臻能品其春夜宴桃

李園圖尤為一時所重子申亦以畫名潁州府志

朱瑗字彤征太和庠生善醫尤精女科同邑歲貢張燦字佩章

亦精醫全活甚眾潁州府志

郭欽字敬菴亳州人以歲貢官宿松訓導重義道能文章尤長

於醫施藥濟人全活甚眾所著有本草補注十卷亳州志

周傑字漢宮亳州人書法聖教畫尤長於寫驢人以包虎顧兔

例呼之傑惡其名後遂專畫牡丹得者寶之亳州志

戴文炳蒙城人精醫著有傷寒權脈訣約言潁州府志

范凱字允靜太和庠生善草書潁州府志

張鷟字程萬亳州人書法二王深得聖教遺意子琴字靜和乾

隆辛卯舉人學博才瞻以年過七旬得與千叟宴

恩賜國子監學正兼鳩杖如意朝珠彩緞杯盤并

賜御製詩一軸鄉黨榮之亳州志

金鑑字道存亳州諸生其先自吳江徙舅管頴授之醫書遂窺

其奧時毫未知種痘法鑑遇證精心調治小兒無枉夭者生平

尤篤於義幼師薛繼繼貧而瞽鑑養贍之管穎歿而無子鑑為

亳州志

嫁其女養其妻妾子塏亦庠生能世其業

譚洪範字獻廷亳州諸生初學畫折枝以燈影照之遂悟其法

亳州志

隨意揮灑無不入妙

董良字良玉亳州人書法雄秀名重一時嘗館京師一巨公家

亳州志

從未干以私

田廷玉阜陽文生工詩精醫著有輝山遺草傷寒集成瘟疫集

阜陽縣志

成痘疹集成

阜陽縣志

明湯銘字德新滁州人通星緯家言洪武中舉為天文生永樂

二年授欽天監五官靈臺

滁州志

魯文質全椒人善醫從太祖渡江進藥屢效授太醫院判

江南通志

湯序字淑彝滁州人通經史精星緯之學舉天文生歷本監官

天順初以復辟功特進嘉議大夫禮部右侍郎仍掌欽天監

滁州志

劉定字安道滁州人知醫精堪輿家言口不言利同州呂正善

繪事曉醫卜地理人禮重之

滁州志

夏守成滁州太學生嗜古勤讀蓄書甚富題咏著述為時所推

尤精於書有臨摹聖教序等帖行世同州王彥文忠信孝女精

楷書工繪事晚以貢官新河教諭

滁州志

施達全椒歲貢曾官咸甯知縣博學善楷書同邑黃梅官海甯

縣丞善行草自成一家

滁州志

費玠字子藩全椒人嘉靖戊午舉人知建昌縣以伉直歸精青

鳥家言著有窺天管見行於世卒年八十

滁州志

劉信字守道滁州人家世業儒以醫名於時人有急病不遠數

百里馳而救之後以子愷贈御史人以爲好德之報滁州志

紀能字伯通滁州人早失怙恃養祖母至孝事兄長克敬生平

最精醫學遠近賴以全活者甚眾滁州志

童心字菱石滁州人少力學工楷書郡中扁額屏記多出其手

嘗撫文待詔諸帖幾於神似年八十餘猶於燈下寫唐人絕句

於瓜仁上滁州志

朱斯達字行可滁州人善草書得懷素遺法滁州志

孫一獻號元夫滁州諸生通堪輿家言滁州志

邵溶字元靜全椒人善岐黃全活甚眾喜爲詩與但謙黃桐等

結詩社著有味泉遺稿同邑彭璨字玉瑩亦精岐黃能起人危

疴不取利復工書大類顏魯公全椒縣志

國朝張允恭字賡堯來安諸生精易學爲人卜休咎輒奇中其言

數衷於理有隱君子風江南舊志

王篤烈全椒人善岐黃遇貧者濟以藥餌概不取值全椒縣志

楊林全椒庠生善醫遇疾治之無不立效全椒縣志

胡夢祖全椒人以醫學名世授禮部醫官施藥全活甚眾江南舊志

江舟全椒人善書畫尤工翦貼喜句摹古名人真蹟翦成後著

色與書寫無異乾隆二十九年

高宗純皇帝南巡恭獻冊頁蒙

恩賞緞二疋舟嘗著有句研翦揭蕩貼六字訣日藝圃碎金錄今所傳

惟醉翁亭記前後赤壁天馬賦及枯木寒鴉蘭竹九獅圖藏諸

賞鑒家全椒縣志

江名世全椒諸生工書年八十餘猶日臨聖教序得者珍之壽

九十四同邑金竹書武生書法顏魯公晚年喪明猶能作擘窠

大字見者不知其盲於視也全椒縣志

魯神仙全椒人佚其名初業醫技平平一日遇異人就之診視

曰時醫也徑去自是診人輒驗雖常藥往往有奇效名由是著

同邑石照遠不以醫名而喜蓄方藥治人輒效不取值又多識

藥品雖盛夏為人採藥無難色人尤重之全椒縣志

童熊瑞全椒人乾隆戊子舉人精於醫活人甚眾後官富民知

縣同邑吳巒嘉慶庚申舉人善治痘又有張伯符王恆山者亦

工醫治奇疾尤效全椒縣志

郭璟燕字紫超全椒附貢博學工詩善八分山水尤喜畫梅每

作必有題咏故又號賦梅弟瑞嘉精堪輿善蘭竹同邑以書畫

稱者晉志仁金星明善人物曹洪葉慶蓉善花卉翎毛江沛蒼

善山水諸生俞琦吳培因善行楷程光禱善八分工篆刻全椒縣志

以上舊志

和州

晉陳訓字道元歷陽人少好祕學天文算數陰陽占候無不畢

綜尤善風角孫皓以為奉禁都尉錢塘湖開或言天下當太平

皓以問訓訓辭不知退而告人曰非吉祥也吳亡入晉拜諫議

大夫去職還鄉知陳宏必敗周亢必貴甘卓必以兵死王導後

必壽貴子孫當興於江東皆如其所言卒年八十餘晉書本傳

明王志閔舍山人永樂閒居寶臺觀善以符咒驅召嘗與一道

士分壇禱雨其人雖致雨而微志閔繼之雨遂大注田疇霑足

民皆歡呼和州志

錢國楨含山人善符咒凡祈禳無不應年八十餘行步如飛卒

後三年有鄰人見之於仙踪鎮和州志以上舊志

姚樹勳字竹農和州人父嘯岑以書畫名尤工詩勳得其傳通

經史兼習書畫晚年山水尤精妙書得顏褚筆意和州志以下新修

常調元和州人幼讀方書用藥出人意表醫黃瘦嘔吐證用小

蛇一條髮數莖置水盆中令病者注視復與吐劑嘔小蟲如蛇

狀而愈鄉人鬪毆竹筴斷刺股不得出痛欲死與排膿方飲之

血融而竹出時含山有余風子者人號為醫仙和州人遂稱調

元醫神和州志

廣德州

宋洪德風廣德人精天文州有汪九成者造宅犯太歲當月暴

病至夏漸重德風為之修報此方病除無恙廣德州志引魏肅江宅譜三書修方

却病門

國朝巫山字雲岫廣德庠生治岐黃後師喻嘉言術愈精家故饒

富每以參連濟人不求償報遂中落三子皆庠生亦知醫廣德州志

潘仍桂字我生建平諸生能詩書畫蘭嘗以無妄繫廉使獄曰

以畫蘭自娛獄吏售之大獲其利後得釋藝愈精人皆寶之其

妾亦善蘭非巨眼不能辨廣德州志

洪遠侯廣德人精幼科活人甚眾廣德州志

沈之驥字台存廣德人精幼科療治如神子諒能世其業求治

者盈門未嘗計利諒子廷銓以孝稱亦知醫鄉里皆化其德廣德州志

張永清字應朝廣德庠生性孝友與弟履侯析產兄弟交相推

讓家固饒推解不吝精醫術嘗施藥以濟貧者歿已踰年建平

有某積疾不痊遇一老人授之丹藥詢其姓氏里居老人告之
後疾愈來訪則張門前一土地廟耳里人神之更廟其規謂之

張廟

廣德州志
以上舊志

六安州

明李玉字成章六安衛千戶善騎射尤精醫藥鍼灸舒有病頭
痛者震霆不聞玉曰此蟲食腦合藥吹鼻蟲悉從眼耳鼻口中
出合肥有跛人玉鍼之立起浙有病痿者玉考其所服藥不誤
乃熬藥兩桶令病者坐其中洗之大汗而愈前蓋病重而劑輕
也一婦有妊嘔血幾死玉診之曰子癩也依方治之加竹瀝而
愈人號曰李神鍼江南通志
六安州志
聶寵字榮之六安人其先自南昌徙善太素法貧者不能得藥
輒施與之愈不責報性孝友事叔如父喜施與重然諾嘗收養

鄰家孤女嫁之人稱高義

江南通志

陳崇仁字守恆六安衛千戶精於醫診脈能悉病源治無不驗

活人無算

六安州志

喻仁喻傑六安人兄弟皆以醫聞著有療馬集四卷附錄一卷

為醫駝之方

四庫全書
書存目

周鼎字玉鉉六安人善寫真客左良玉幕中嘗繪出師圖人馬
器仗旌旗壁壘鏡吹鉦鼓鎧袍盾櫓車牛驢駝輜重之類備極
精工累紙十餘丈彩攢錦簇復饒疏落之致左極賞之

六安州志

國朝周勳字東侯六安人奔國手著有弈悟

六安州志

俞士傑字又良六安人性孝友精於醫以濟人為心不責報貧

者多賴以痊活子璜世其業

六安州志

涂乾吾六安人隱居龍門山性嗜茶恆苦製者傷其性親為劑

量迥異常品六霍之閒充庭實者率冒其名涂後戒子孫弗習其法遂絕六安州志以上舊志

朱昇伍字繩武六安人精醫有貧婦難產死四日昇出葬昇伍遇諸途見棺底流血謂其夫可開棺鍼之必不死如言果無恙子弟欲師其術不肯授曰庸醫殺人甚於刀刃不可不慎所著書數十卷悉焚之六安州志以下新修

余道鑫字泰瞻霍山人善摹名人字畫如出一手

高宗純皇帝召試欽蒙

宸賞霍山縣志

泗州

魏馬鈞盱眙人明帝時官給事中有技巧造指南車今邑治臺子山上有馬給事祠盱眙縣志

唐常伯熊泗州人因陸羽茶經復廣其論龍團雀舌妙天下泗州志

宗震泗州人善丹青畫慧日院壁名畫記

宋楊介字吉老盱眙人善醫著傷寒論脈訣行世徽宗嘗苦脾疾國醫進藥不效介言飲水太過以米煎理中湯服之遂愈江南通志

通志

明施雨泗州人客遊梁宋書畫諸藝皆知名同州楊復一善翎毛花卉子燦世其業精通琴理泗州志

鄭信盱眙人樵於山中遇二老對弈侍立良久遂受其教明日詣之不復見矣自是以弈名天下卒年九十餘盱眙縣志

徐安字古瀛盱眙人博學多技能尤長算數所著有算法三卷江南通志

通志

周邦畿盱眙人業醫所投輒效盱眙縣志

張大機字國治天長人世業醫至大機而益著其治以調養元氣為主薦紳聞甚重之至四世孫振聲字君奕尤精幼科所投

輒效天長縣志

董宗憲字章夫天長人父然業醫宗憲尤精其切脈有會心之妙能決人壽天生死傷寒一遵河閒法而大暢其旨活人無算

天長縣志

沈桐天長人精醫萬曆癸卯淮南大疫部院移文施藥桐所至全活無算劄授冠帶同邑王道行工外科趙英甫善幼科庠生張懋勳精女科又有方文炳方遵鼎者並以醫名天長縣志陳所學盱眙人善畫小景尤善墨菊同邑何其介亦工畫年八十猶染翰不輟盱眙縣志

國朝黃士爽字西山泗州庠生善墨竹子一峯承其家學並有湖

州筆意泗州志以上舊志

李叔廉字星泉盱眙廩生通經史精象緯學咸豐三年夜覽星象時粵逆踞金陵云須十年克復又云盱眙有百四十里血劫後九年擒匪陷城其言皆驗盱眙縣志新修

重修安徽通志卷二百六十四

人物志

流寓

古賢人君子偶寄之區後世追訪遺蹤莫不引以為重潤色山川往往不符史傳姑弗深考安徽夙稱樂土李白栖於姑孰劉攽客於潁州前志既傳為嘉話今亦略有增補最古最確者莫若莊周之寓臨淮至潘天成之儒學朱駿聲之博雅又近代寓公翹楚也其他蒙難堅貞成仁取義遠違故土越在他鄉不有記之輒恐湮沒述人物志流寓傳

安慶府

漢橋元字公祖梁國睢陽人舉孝廉歷官至侍中光祿大夫光和元年遷太尉二年以疾罷避地於潛卒葬彰法山

江南通志

安慶府

按元本傳光和六年卒不言避地及所葬地章懷太子注引魏志建安七年曹公軍譙遂至浚儀遣使祀元今姑存通志府志之舊又按流寓一門往往與史傳不符或史所不及今但取舊志注之

晉王祥字休徵臨沂人性至孝早失母漢末扶繼母攜弟隱大雷三十餘年後仕魏至侍中武帝踐阼拜太尉進爵為公一統志

江南通志

王覽字元通祥繼母子也方數歲見祥被楚撻輒涕泣抱持母虐祥妻覽妻亦必趨共漢末隨兄祥隱大雷山後歷官光祿大夫

江南通志

唐李白蜀廣漢人安祿山反往來宿松匡廬閒結精舍於皖山讀書其中一統志安慶府志

白居易韓城人貶江州司馬時作精舍於廬山居之游皖司空諸山至絕巘有修真意安慶府志

畢誠字存中河南偃師人早歲讀書舒州主簿山今遺趾尚存擇地葬親掘土得石作灤山賦鐫其上一統志江南通志

羅隱字昭諫浙江餘杭人偶游至皖愛小茗山蓮花峯築室隱焉興狂則泛小舟載酒酣飲終日而後返一統志

宋徐鉉字鼎臣廣陵人南唐時巡撫楚州捕得賊首不俟報即斬之坐專殺流舒州安慶府志

潘閔江都人少工詩自號逍遙子坐盧多遜黨避地舒州灤山寺中為行者題詩鐘樓云頑童趁煖貪春睡忘卻登樓打曉鐘孫瑾見之曰此必潘逍遙也令寺僧呼之已亡去一統志

黃莘蒲城人父孝綽抱德不仕僑居舒州之太湖人稱灤山先

生福建通志 新增

馮京字當世江夏人少讀書於皖之萬松山自鄉舉至廷試皆

第一江南通志

陳瓘字瑩中南劍州沙縣人少寓居瀟讀書彰法山後擢第黃

曾直題其所居閣為擢秀一統志

黃庭堅字魯直洪州人嘗讀書舒州有四處一在瀟山石牛洞

一在山谷寺之西北因號山谷道人一在桐城樅陽鎮後人即

其地建達觀亭一在桐城外太霞宮後有石如盤庭堅每居其

上以望湖光因名望湖石一統志 桐城縣志

徐俯字師川洪州人黃庭堅之甥也少負奇氣七歲能詩從庭

堅寓舒州與洪駒父胡少俊相賦詠甚適一統志

楊萬里字廷秀吉水人張浚謫永時萬里為零陵丞請見之浚

勉以正心誠意之學因榜其堂曰誠齋嘗愛瀟山水游寓於舒

江南通志

周必尹江西信州人官龍圖閣學士因兄必大官安慶遂家望

江家在永思寺安慶府志

龐安時蘄水人世醫也為人治病率十愈八九嘗詣舒之桐城

有民家婦孕將產七日而子不下安時之弟子李百金適在傍

舍邀安時往視鍼之生一男宋史本傳 新增

龍仁夫字觀復江西永新人父起濠避兵居太湖之涼泉鍵戶

著書深明性理之學州郡交辟不起仁夫官湖廣儒學提舉晚

居黃岡呂文煥降元與仁夫有舊下江州仁夫過之招飲琵琶

亭仁夫即席賦詩云老大蛾眉負所天忍將離恨寄哀絃江心

正好看明月又抱琵琶過別船坐客皆掩泣罷酒卜築望江隱

居著述所著周易集傳其言多先儒所未發一統志

金王庭筠字子端河東人泰定間進士愛皖之司空山居焉自

號司空行窩寄者江南通志

元薩都刺字天錫蒙古人世居雁門泰定進士為燕南道廉訪

司照磨登司空山太白臺歎曰此老真山水精也遂結廬其下

避世終焉一統志

朱公遷樂平人文公裔也至正閒官金華學正著有詩義疏傳

後同其長子僉遷於潛江南通志

陸宰字元均山陰人常攜客黃安時遊浮山今有陸子巖蓋其

棲隱處安慶府志

李羅特穆爾元宗室也順帝北去更姓名曰羅順臣南走至桐

遂家焉子孫以羅為姓其後有寅英顯皆舉於鄉安慶府志

張仲四鄱陽人領總轄淮舒職至正閒徐賴斬黃盜起仲四屢

破之諸路悉平餘黨邀宿松權貴撒敦嫉仲四功遣剿宿松賊

望風走撒敦又以事中之上憐其勳得不死解兵柄隱宿松之

西源山屬其子貴三勿忘元主恩及聞順帝出居庸憤鬱而卒

即葬西源山貴三入明以父治命匿不肯出五世合爨百餘口

會食以尊卑長幼為坐次人稱為一鍋張宿松縣志

明李新之字湯銘順天人景泰時舉人官饒州訓導左遷桐城

竹子湖河泊所訪李公麟遺跡嘆曰山情水色正為我輩遂隱

居龍眠江南通志

鄧宗經會稽人成化閒為潛學官纂修郡志善詞賦致仕遂家

潛東門外築頤老莊以自娛江南通志

王宣字化卿金谿人其父客桐生宣童子時即以游女詩得名

後復來桐一時名卿咸與之游博習羣書晚而好易所著有易

遡自成一家尤好因果錄所聞見著龍馬言及金剛經解安慶府志

施得裕字惟一雲南鶴慶府人崇禎時為黃州同知城陷賊知

其廉釋之遂攜家寓望江學圃蒔花以詩酒自娛江南通志

佟世思字儼若遼東人觀察國楨之子觀察自江西罷官寓皖

數載世思與郡中羣彥結問渠會勸善規過人稱佳公子所著

有梅堂稿安慶府志

國朝葉筠字竹君湖廣公安人工詩文尤深性理諸書明季屢辟

不就擔簦游四方至皖愛江山之勝因寓居焉江南通志

趙珀成都貢生父宗普令潛山攝宿松篆珀隨任奉侍宗普自

郡還至東流遇盜墮江珀沿江哀號得屍斂之會獻賊屠蜀不

能歸寔遂葬於宿松廬墓四載後謁選授平涼通判還家於宿

松宿松縣志
以上舊志

潘天成字錫疇江蘇溧陽人寄籍桐城為安慶府學生幼隨父

母避仇相失年十五乞食尋親徽甯山中行且哭大呼作鄉語

至江西界母金氏聞聲自巷中出相持哭遂迎父母歸傭販以

養從湯之錡梅文鼎學遂為通儒年七十四卒遺書有鐵廬集

五卷四庫全書提要稱為義理文章莫大乎是祀府縣忠義孝

弟祠四庫全書總目
溧陽縣志
先正事略
以下新修

韓藻順天宛平人知東流縣罷官居懷甯諸子皆外出謀養有

女孝梅獨操家計藻老病女侍湯藥刺血寫經疏禱祈身代藻

卒女求死以救免自誓不字奉母終身後六年母病不起女絕

粒賦絕命辭三章未竟而卒懷甯縣志

吳雲儀徵人僑居懷甯有女淑儀受詩書史傳工吟咏適儀徵

程大受十年而寡舅姑繼歿攜三子來皖長萃次薈季荃皆能詩出於母教淑儀所著詩文今存織餘窗草

懷甯縣志

馮福基小字長生山西代州人父焯寄籍直隸清苑任潛山縣天堂巡檢調淮淝軍營福基隨母留天堂年十四讀經書傳注多解悟咸豐七年同母避賊以計脫其母而身被擄走廣濟宿藥肆陰賣毒飯中斃賊十七人已亦仰餘藥血出賊酋見而不疑遂委之去有劉士扶者屬寺僧舍之因乞劉附書訣家人毒發死至同治元年巡撫李續賓以童年智烈奏奉

旌卹

銀兩祀孝弟忠義祠天堂人義之迎其構而葬焉

縣志

國史李續賓傳 潛山

錢泰吉字警石嘉興人刑部尚書陳羣曾孫與其兄給事中儀吉皆以學行知名時稱二石先生泰吉文似錢詹事詩似朱檢

討尤勤於攷古博聞多識而獨不利科舉以廩生官海甯州訓導二十餘年及次子應溥以拔貢官吏部直軍機處始謁告歸里而嘉湖諸郡一被粵寇適應溥乞養歸奉父母避地江西轉至安慶依曾文正以居時文正雖治軍旁午而好賢下士旁招俊乂相與講明有用之學同時新化鄧瑤歸安周學濬獨山莫友芝瑞安孫衣言鏘鳴兄弟合肥徐子陵南匯張文虎武進方駿謨等皆以文章氣節為文正所禮接客甚盛而尤敬泰吉以為有乾嘉老師宿儒氣象公暇小隊出幕府徑詣泰吉談藝竟日士大夫來皖必使見泰吉曰諸君欲廣聞見消鄙吝不可不一見錢先生其見推重如此泰吉耄而好學在安慶年已七十餘猶補校後漢書後二年竟卒所著有甘泉鄉人集曝書雜記校勘三史等書

采訪冊

徽州府

漢汪文和建安中以龍驤將軍為會稽令避地居新安子孫遂家焉徽州府志

陳業上虞人漢末為會稽太守山陰朱育對濮陽興云太守陳業潔身清行志懷霜雪正亮之性同操柳下遭漢中微委官棄

祿避跡黟山以求其志高逸妙蹤天下所聞徽州府志引會稽典錄管輅平原人嘗學道祁門山中今有管公廟江南通志

晉孔愉字敬康山陰人以功封餘不亭侯惠帝末避地新安山中改姓孫氏以耕讀為業信著鄉里後忽舍去人以為神即其

居立祠祀之晉書本傳江南通志唐許堅客遊於縣樂其山水遂家焉或曰堅即許宣平也李白

見宣平詩以為仙人閒關來訪不遇題詩於壁而去遂謁黟令

薛稷為薛題畫一畫一贊世傳二妙徽州府志張志和字子同金華人肅宗時待詔翰林歸隱自號烟波釣徒

後寓居祁門縣十都子孫遂家於祁江南通志范傳正字西老鄧州人元和中為宣歙觀察使後卜居休甯名

其地曰博村誌孟博後也江南通志洪經綸淮揚人建中時為宣歙觀察使與士人講論為宣歙文

學倡後寓休甯黃石復與子全遊婺源官阮卒遂葬焉江南通志孫萬登青州人官金吾上將軍同康承訓率師平蠻凱還道經

休甯愛山水之勝遂家黎陽鄉之唐田徽州府志夏元康會稽人乾符間以進士為歙州刺史起兵以禦黃巢及

草寇畢鶴等聞董昌僭據於越遂隱居休甯後楊行密表上其

功累徵不起徽州府志

陳禧桐廬人避廣明之亂至休甯因家藤溪歿葬鬲山高山人神而祠之徽州府志

廖嵩閩人官金部郎中與鄭畋討黃巢有功旋棄官有素豢二鳥攜之行至祁門烏集華表上呼之不下嵩遂卜居號曰烏門其裔建望烏樓徽州府志

劉依仁彭城人唐末官翰林避亂遂家休甯徽州府志

張徹字克明浙西人避黃巢亂卜居婺源徽州府志

後唐胡昌翼本唐昭宗之子朱溫之亂婺源胡三公者匿之以歸遂從其姓登同光乙酉進士徽州府志

南唐李德鸞唐之裔也寓居婺源昇元二年舉卓異累官散騎常侍所至有聲徽州府志

戴安宜春人保大中遷居休甯官祭酒御史徽州府志

余琳遂安人遷居休甯南唐時官殿院徽州府志

謝詮會稽人官金吾將軍李氏歸宋詮恥之挈家隱居祁門王公山下徽州府志

游譽字子改青州人以進士仕南唐為侍衛上將軍子潛亦為僉判國師何令通以諫牛首山陵不利謫官休甯嘗與謝詮厭世亂從之卜地遂居婺源徽州府志

宋孫文質字守彬嘗攝知婺源遂家焉建隆閒拜御史中丞時新安所在烽燧賴以承平先孝義興學校州人戴之徽州府志

邵文肇字太初淳安人淳化中以三禮舉於鄉任歙州教授秩滿諸生請畱因家休甯徽州府志

蘇壽銅山人參政易簡子由水部郎中知歙州景祐閒愛休甯山水之勝遂家焉徽州府志

劉輝鉛山人客新安為人備書自給寓績溪汪氏家汪子弟試

堯舜急親賢賦輝竊代之師見其異詰之以實告始敬禮之還

鄉遂貢京師嘉祐四年舉進士第一元時猶有蓄其所書禮部

韻者徽州府志

馬咸宣和閒仕至直祕閣出知遂昌府後為蔡京所忌辭官居

閒遷居婺源善醫嘗夢二青衣童子執符曰上帝號汝為清虛

先生徽州府志

翁由清江人重和進士知休甯縣剿方臘有功遂家休甯萬歷

中撫院題請建坊曰甘棠留蔭徽州府志

余道潛字希隱重和進士為桐廬縣主簿值方臘亂避地徽州

愛婺源沱川之勝遂家焉徽州府志

宗澤婺州義烏人靖康閒攜家寓歙所居今傳為宗家脊徽州府志

邵全嚴州人建炎中為茶稅提舉司提舉遂居休甯人號其里

為朱紫巷徽州府志

孔端本字子輿道輔曾孫徽宗幸學訪先聖後賜上舍出身南

渡從行官黜令樂其山水遂家焉江南通志

呂廣問字仁甫開封人丞相夷簡後為婺源簿南渡寓新安擢

禮部侍郎密定建儲之議孝宗即位疏陳十二事知池州移徽

州後官至龍圖待制江南通志

吳木湖州進士高宗時上書論宰執送徽州編管一統志

趙不俄字文仲父仕檜以宗室南渡寄居於歙不俄登乾道丙

戌第官終淮西安撫使參議徽州府志

王自中平陽人乾道四年議遣歸正人自中伏麗正門爭論且

言今內空無賢外空無兵當搜羅豪俊廣募忠力坐斥徽州一統志

志宋史本傳

宋貺字益謙為新安尉樂其山水遂家焉以權吏部尚書知臨安府孝宗時奏制敵便民理財三事上領可者數四官終集英

殿修撰光祿大夫徽州志

馬廷鸞字翔仲饒州人淳熙庚子進士贅於婺源張氏遂家焉

歷官中書右丞相兼樞密院使子六其五還居鄱陽惟季子端

益官紹興教授居婺源一統志徽州府志

李遇隆字叔興浮梁人紹定壬辰進士官湖南安撫使弟遇鳳

知漢陽縣德祐乙亥兄弟挈家避兵於休甯遂居焉徽州志

徐寬字清叟豫章人度宗朝官部丞督勸吳江農桑事端宗時

棄官遷居祁門祁門縣志新增

沈珪嘉禾人初因販墨往來黃山有教之為墨者以意用膠一

出便有聲故墨銘有十年如石一點如漆者品之至佳者也其

子先卒法遂絕墨記本舊志方技新移

元李端鎮江人官御史出為甯國路權茶提舉嘗日食上書言

臣下失職所致英宗曰是朕之過也又言朝廷記注宜悉宣付

史館從之後遷居於休甯徽州志

姚榮軒官新安教授攬勝海陽瀛峯之下得首川遂家焉徽州志

明鄒以信原名雪以字行廬陵人洪武中以明經歷知婺源縣

與修永樂大典遷無為知州後遂家於婺源祀名宦徽州志

趙文字煥然齊河人洪武中為徽州教授後奉父母二柩合葬

於歙官至左春坊左中允卒於官還葬於歙子孫遂占籍焉徽州志

楊昇字孟潛錢塘人洪武中以舉人官徽州府教授秩滿僑居

於歛後卒於京師老親及妻子皆在歛貧甚歛人懷昇德為築室居之所著有拙齋稿春秋正義徽州府志

湛若水號甘泉增城人嘗講學於歛之斗山書院又講學於休甯之岐山天泉書院徽州府志

姚舜牧號升菴烏程人嘗寓歛之巖鎮南山道院著五經四書疑問學者從之里人遂於南山石側創立書院以為講學之所徽州府志

熊開元字魚山嘉魚人天啟乙丑進士崇禎時為給諫以劾周延儒廷杖遣戍後為僧號蘂菴住休甯之仰山僧俗禮謁隨人提撕率皆愜心去後往遊蘇州數年卒於花山徽州府志

李茂字小白蜀人明末知江山縣棄官寓居績溪而卒邑令為殯葬之徽州府志

國朝張祖房字又良別號五岳山人不知其所自來順治開愛新安山水捆載其所著書至休甯訪吳懷英於還古書院時年八十七矣盡以所著周易關鍵周易訂譌一字春秋魯論覺言及書詩禮諸經講義八陣圖說授之懷英後懷英卒隱於黃山卒年九十三諸書亦漸流散其存吳氏者惟周易魯論兩書而已其學甚博兼精武技於天文術數遯甲之學尤所究心時或一言奇中善導引未嘗寢息蓋前代逸民云徽州府志以上舊志

許裕卿以醫往來休歛閒有奇效能以手代鍼用推拿法世罕其傳著遯氣符醫紀黃遊諸集江南通志新舊志方技

朱駿聲字豐芑江蘇元和舉人選旌德訓導以終制改黟縣訓導咸豐元年截取知縣親齋所著說文通訓定聲達部進呈得旨嘉獎加國子監博士銜遂旋黟尋升揚州府教授道梗因卜築於黟

重修徽州府志 卷之四 人物志 流寓 徽州府

之石村自號石隱山人旋卒著書凡九十三種子孔彰讀書治

經解字有家學縣志新修

甯國府

吳虞翻字仲翔餘姚人孫權時為騎都尉數諫爭權不悅徙涇

縣三國志本傳

唐查偉字文熙以明經歷官宣州刺史改池州復改南巖所至

有政績武德八年致仕由丹陽徙居涇為涇查氏始遷之祖涇志

來濟江都人貞觀中嘗與高智周郝處俊孫處約客宣城石仲

覽家仲覽有器識待四人甚厚後皆仕至公輔唐書本傳甯國府志

李白往來宣南涇太閒其篇章載在集中者不下十之二三甯國府志

韓愈南陽人年十三自河陽從其嫂鄭氏就食宣城凡七稔學成而去朱子韓文考異云愈有別業在宣城今敬亭山下有昌

黎祠一統志江南通志

白居易寓宣城為宣城守所貢兄歿葬城西五里今稱白府君

墓居易祭烏江十五兄文所云宣城之西荒草道傍者也一統志

杜牧字牧之長林人一作萬人官中書舍人嘗客宣城遊涇尋李

白題詩處上祭公樓歌詠徘徊不忍去甯國府志

趙嘏字承祐山陽人會昌壬戌進士寓宣城最久有宛陵居上

沈大夫及下第寄宣城幕中諸公詩甯國府志

羅隱字昭諫杭州新城人有詩名微時嘗遊於涇卒葬縣東七

十里一統志按舊五代史杭州餘杭人此從澗泉日記

呂從慶字世膺河南人善詩避黃巢亂與弟從善隱居於歙之

場田其後弟畱而從慶入旌德萬山中朱溫之篡以祖伸仕唐

不復出卒年九十七自題其墓曰唐詩人豐溪漁叟之墓江南通志

南唐吳仲舉字太冲永興人通春秋三傳李後主時為彭澤主

簿曹彬檄江南郡縣納款彭澤令已降仲舉責以大義殺彬使

者已而為彬所執義而釋之乃居宣州之涇縣為吳氏遷涇之

始祖十國春秋本涇縣志

宋蔣之奇字穎叔宜興人謫官宣州愛涇山水客寓久之所至

題詠殆徧甯國縣志

徐亮字懋忠龍游人大觀己丑進士官大理評事宣和閒以諫

約金攻遼忤權貴落職靖康之亂避地宛陵徙居於涇今涇之

諸徐皆其裔甯國府志

胡瑗字翼之海陵人嘗從新安至涇訪縣尉曾公望同遊石壁

聞新建汪氏居相近即太白題詩處因題古詩一篇并序書於

壁甯國府志

王邦憲建炎中客居宛陵與鄉人相遇作集句見志有曰誰謂

他鄉各異縣豈知流落復相見青春作伴好還鄉為問淮南米

貴賤一統志竹坡詩話

趙不吝紹興閒為涇丞平寇俞一有功除德化令卒於官贈朝

議大夫謚簡靜子善惠扶櫬葬於涇子孫家焉涇縣志

貢祖文字仁德大名入靖康初扈從南渡授武德大夫居宣城

秦檜忌之廢於家岳飛之禍嘗為匿其宗姓於別墅甯國府志

仙仲友字輔仁河南湯陰人其祖柏齡官宣州僉判父名立字

紹初建炎初扈駕南渡授殿前都虞候屢立戰功從岳飛平楊

么破戚方先是飛拜表使柏齡起居二帝二帝嘉之賜姓仙氏

至是立有功高宗以寶玩繒幣賚之辭曰臣世受國恩非所敢當帝愈嘉之以賜姓授之璽勅領惠州刺史食邑七百戶卒於杭仲友由武舉進身從破劉倪仕至武經大夫宣歙廣德三郡都巡檢遂家甯國卒於官諭葬縣東茅里為甯國仙氏之始祖

甯國府志

鄧道光南陽人乾道間官尚書幕南陵山水卜宅而居葬其夫人章氏於石龍山

江南通志

劉有慶號損齋蜀人初任南陵主簿遂家焉後官翰林院待詔子鑄元進士

甯國府志

戴表元字帥初奉化人咸淳進士至元不仕嘗寓宣城與邑諸名士遊著有剡溪集

甯國府志

元劉善餘字有之鎮江人嘗寓宣城諸詞人雅相推重

甯國府志

明羅思忠象州人洪武初由進士授南陵知縣遷浙江僉事邑人德之畱居本邑遂占籍焉

甯國府志

馬傑麻城人元末任歙縣令洪武初因兵亂移居南陵

甯國縣志

甘潤湖廣人洪武初知南陵縣遷蘇州郡丞父老泣畱因寓居焉

焉記名宦

甯國府志

張懿新安人曾任鞏昌府徽州知州弟奉任梧州府通判同官建文時見燕藩有異志棄官偕隱於太平下宅堯鳴樂其雲嵐林麓之勝終身不出

甯國府志

劉魁泰和人以舉人官工部員外嘉靖時疏請緩建雷殿廷杖下獄與周怡同繫久之得釋庚戌來訪怡畱數月去

甯國府志

石金字南仲黃梅人正德辛未進士官御史嘉靖中以諫止醮祠忤旨謫戍宣州衛徜徉山水寓居柏枧禪舍後釋還著有陵

陽謫寓集

一統志甯國府志

陳鶴字鳴野紹興衛武胄當龔不受善詩及書嘉靖時寓宣城與梅守德唱和幾百篇

甯國府志

鄒守益字謙之安福人嘉靖時以議禮忤旨謫判廣德州往來宛陵又至甯邑鳳山書院講學六邑士人以理學名者皆出其

門

江南通志甯國府志

湛若水講學宛陵啟誘不倦

江南通志

王畿字汝中山陰人嘉靖閒郡守羅汝芳延至與泰州王璧遞主講席畿又至涇水西書院主講有水西講學錄今在龍溪集

中

甯國府志涇縣志

錢德洪字緒山餘姚人講學水西會者常數百人又嘗講學於甯邑獅山多所題詠

甯國府志

焦竑字弱侯江甯人嘗遊黃山主太平譚天賜家

甯國府志

湯顯祖字義仍臨川人嘗遊宛陵與沈懋學梅鼎祚交後為南

儀曹往來益密

甯國府志

屠隆字長卿甯波人居宣城最久常偕梅鼎祚泛舟城東著緋衣作漁陽三搥哭於沈懋學墓作長歌弔吳仕期其意氣可以

想見

甯國府志

黃之璧字白仲越人書法名一時避地宣城經年始去

甯國府志

艾南英字千子臨川人負笈就湯賓尹歷時而去人方之康成之於扶風

甯國府志

張慎言字金銘陽城人官尚書與甯國仙克謹姻婭友善浮家宣城雲山嘯傲歷年始返

江南舊通志

萬時華字茂先南昌人客宣城永慶寺訪沈壽民於麻姑山畱

連數月而歸甯國府志

周鑣字仲馭金壇人訪舊宛陵畱憩姑山學者雲集又遊於仙

源黃山著有黃山集甯國府志

丁聖時字澹夫巴陵人崇禎戊辰進士客宣城挈家居焉匿姓

名與農樵牧豎為侶甯國府志

姜琛字如農萊陽人崇禎辛未進士官給諫疏劾周延儒廷杖

謫戍宣州衛會明亡未赴琛曰君命也終老戍所臨卒命其子

曰必葬我敬亭山下門人私謚曰貞毅長子安節移家廬墓遂

籍宣城一統志甯國府志

楊烜字世旭遼東人明亡遊於涇查可期為築畫峯山房以居

之皖撫余國柱耳其名介桐城姚文然來聘臬司夏一鶚與烜

有舊延之入幕諷之仕不許奉千金為壽不顧而歸自是足跡

不出戶外甯國府志

李光倬字仲昌南昌人以舉人官工部主事奉使命至宣城與

沈壽民蔡蔡春等定交吟咏弔月而別復命還都值李賊陷京

師不屈死之以未補官紀事者遂逸其事甯國府志

傅備字先夢黃岡副貢明亡為僧與宣城蔡蔡春有舊遂來宛

陵蔡春與錢鳳文湯纘禹梅磊築一菴居之臨卒遺言以儒服

斂甯國府志

陳文燭字玉叔沔人罷官後慕敬亭柏槻之勝僑寓二載江南通志

程註孝感人明末官尚書楚中寇亂乃來太平依同宗程氏僑

寓二十餘年而去甯國府志

國朝張玉書丹徒人官大學士游黃山寓居太平訪同年友杜瑜

周光啟之後索黃太松所畫黃山圖歸以當臥游甯國府志

范騏字文碧海甯人主宣城梅銷家三十餘年兀坐一室以撰

述為事遂卒於宣甯國府志

高重望公安人前明舉人避亂居於甯國三世子儀順治戊戌

進士康熙間復歸楚甯國府志

潘宗洛字書源宜興人寓居甯國時於西津垂釣不遺縣令一

牘時論高之甯國府志

儲大文字六雅宜興人嘗授經於旌德呂氏逍遙涇水憑眺石

柱題詠最多甯國府志

洪亮吉字穉存陽湖人授經於旌德譚氏往來遊寓於宣涇最

久題詠殆徧涇縣志

王湘山失其名湖南監生寄居宣城縣咸豐八年命子小湘投

効提督周天受營九年小湘隨隊陣亡湘山率妻姚氏次子小

山及子婦孫女俱投水死續采訪冊

重修安徽通志卷二百六十五

人物志

流寓二

池州府

漢高獲字敬公汝南新息人少游學京師與光武有舊師事歐陽歛歛下獄當斷獲冠鐵冠帶鉄鎖詣闕請赦帝雖不赦而引見之謂曰敬公朕欲用子為吏宜改常性對曰臣受性於父母不可改之於陛下出便辭去三公爭辟不應太守鮑昱行縣輒載其廬獲遂遠遯江南卒於石城石城人思之共為立祠後漢書本

傳一

唐李白曾由金陵上秋浦更名九子山為九華徧游清溪白筍桃湖陂玉鏡潭江祖石大樓山苦竹嶺黃山桃花鵝五松陵陽

之勝輒畱題詠池人於所游詠處建祠祀之一統志

李昭象字化文池州刺史方元子也方元罷池州卒於宣城其

家遂畱秋浦黃巢之亂昭象入九華結屋碧雲峯下與張喬顧

雲輩唱酬日垂釣流觴以自遣楊行密招之不赴卒葬同山一統志

池州府志

羅隱本名橫十上不第改今名父則為池州鐵官隱遂家於梅

根浦刺史竇滈營墅居之又自號江東生及去有別池陽所居

憶九華等詩後依錢鏐嘗勸鏐討朱溫鏐不能用而心甚重之

一統志十國春秋池州府志

五代宋齊邱字子嵩豫章萬載人楊吳徐知誥當國將以為相

齊邱避居九華山知誥遣其子景通親詣山中起為中書侍郎

及南唐保大元年罷為浙西節度使遂歸九華舊隱賜號九華

先生今山中徵賢寺沈機石皆隱居故蹟一統志江南通志

宋穆修字伯長鄆州人官泰州司理參軍負才與眾齟齬通判

忌之使人誣告其罪貶池州宋史本傳江南通志

滕宗諒字子京河南人官左司諫謫監池州酒稅葬其父於九

華之金雞原築書堂為終隱計後知蘇州卒其子仍奉其喪葬

於青陽縣東之金龜原一統志池州府志

王安石微時與旌德汪澥銅陵胡舜元築室於銅之靈寶泉側

講學池州府志

蘇軾元豐閒自黃州抵常道過銅陵與黃庭堅同會於陳公園

黃有雙墨竹詩銅陵縣志

曹清字立甫甯晉人歷起居舍人天聖中謫知彭澤過貴池愛

東原山水遂棄官築室以居一統志

孫寃臨江人直史館三十年晚知蘇州拂衣隱九華山池州府志

孔武仲字常父新喻人知宣州坐元祐黨奪職居池州一統志

魏野字仲元陝州人曾寓石埭之長林邑人合李白賈島李商

隱羅隱寇豹潘閔為長林七賢池州府志

沈遼字叡達錢塘人熙甯中忤王安石奪官流永州更赦徙池

州見九華喜曰使我自擇不過爾耳即築石齊山上名曰雲巢

所著有雲巢集一統志

陳邦光政和間為太子詹事以忤蔡京安置池州一統志

朱夢說宣和間布衣也上書論宦寺權太重編管池州一統志

蕭振字德起平陽人政和七年進士知台州紹興間落職謫池

州後起知成都秦檜諷御史劾之復謫池州居住江南舊志

國朝張輪江西人善陰陽風角貴池合趙衍建水德亭以弭火災

輪以為不利主祭者因代令祭即日死後邑人為衍立祠以輪

配之貴池縣志

太平府

齊謝朓字元暉陳郡陽夏人為宣城太守愛青山有終焉之志

遂築室山南唐天寶間改名謝公山一統志

唐李白流夜郎還依族人當塗合李陽冰結茅謝公山嘗乘月

與崔宗之由采石下金陵著宮錦袍坐舟中見者以為神仙代

宗立以左拾遺召而白已卒葬龍山東麓有子伯禽生二女元

和末宣歙觀察使范傳正祭白冢禁樵采訪後裔二孫女因泣

請曰先祖志在青山頃葬東麓非本意傳正為改瘞青山之陽

立碑焉一統志

南唐張瑁字仲玉刺宣州有惠政以事臨縣愛春穀鄉黃山之

勝因家其地戒子孫毋分析後人守之同居凡數百載太平府志

宋潘闓坐盧多遜黨披緇逃度不免即自首謫信州移太平結

廬瀕溪觴詠不輟江南舊志

李之儀字端叔滄州無棣人舉進士元祐中為樞密院編修官

以作范純仁行狀為蔡京所陷編管太平州絕意仕進葬二親

於藏雲山自號姑溪居士有集七十卷行世一統志 江南通志

石待問字則善眉山人舉進士及制科仁宗時通判太平樂其

風土致仕後遂家蕪湖戒子孫當以儒學忠義自立黃庭堅題

其墓曰有宋賢良方正贈金紫大夫九謫而不悔自下劇上眉

山石公之墓一統志

杜侯字碩甫成都人大觀閒侍父宦金陵因寓蕪湖嘗從蘇軾

游自號野翁有詩文集江南通志

陳規字元則安邱人靖康元年勤王有功以疾作請祠居當塗

後官淮西安撫卒於官還瘞青山人稱陳少師墓江南通志

韓元傑字漢臣潁川人億五世孫以蔭知臨潁寇至倉卒元傑

左右射得潰圍走和議成大將悉解兵柄元傑請祠偕弟元象

就蕪湖家焉江南通志 太平府志

孫世臣字國老海州人建炎中僑居當塗時許流寓就寓所貢

遂以太平州解成進士太平府志

王淇字德機豫章人紹興初避李成亂徙家蕪湖自稱筠谷老

人卒年八十江南通志

楊宏中字克甫福州人為國子生趙汝愚竄永州宏中與同舍

生林仲麟等五人上書韓侂胄大怒將竄之嶺外余端為丐免

乃送太平州編管時稱六君子一統志

元完顏權字時中魏國莊敏公正叔之子正叔官於南愛當塗

溪山築室終老權歷官贛州信州通判卒葬淩家山太平府志

明傅亨字子通涿州人官翰林學士寓采石子孫因家焉太平府志

孫旭字景初江甯人卜築葛陽山南著嘯月堂集四十卷子石

書法有父風姪昭樸僑居土山授徒自給作古篆骨格蒼勁摹

印尤佳得者珍之太平府志

張慎言字金銘陽城人歷南京吏部尙書甲申後僑居蕪湖寄

食蕭寺以卒江南通志

國朝李孔成字小亭前明世襲藩陽衛指揮自關東攜族來僑居

蕪湖時海氛未靖城中守備單弱孔成舊與總制爲戚屬冒險

赴金陵求援賊知有備遂去事平有以蜚語陷蕪湖民人者孔

成復力爲申辨得釋邑人德之盤桓山水閒三十餘年卒子孫

遂占籍焉太平府志

蕭倫字彝敘閩人僑寓蕪湖金聲之殉節也從死者江天一及

其族孫孟卿陳繼遇吳國楨余元英時有蕪湖僧海明者潛至

金陵斂聲屍歸菴中倫初不識聲聞喪至往拜之見棺不美泣

曰此豈足以斂公者卽以己所置棺易之徽人聞遵古素與天

一有舊時亦寓蕪湖倫因與復至金陵盡斂諸從死者以還後

諸家皆至蕪湖載柩還籍惟余元英吳國楨無人至遵古買地

葬之倫爲立碑書姓名鄉貫誌葬處蕪湖縣志

黃周星字九烟江甯人以湖廣籍成進士明季棄官以翰墨自

娛後授徒蕪湖遂家焉太平府志

劉曉字映藜江西彭澤人曾官浙江糧道康熙閒卜居繁昌城

西遂占籍太平府志

廬州府

南宋鮑照字明遠東海郟人嘗居合肥梁縣鄉今讀書臺在焉

江南舊通志

唐畢誠字誠之河南偃師人嘗讀書於舒城主簿山今主簿原

是也廬州府志

宋楊繪字元素綿竹人皇祐間進士第一仕至天章閣待制嘗

寓無為州山中自號無為子一統志

謝枋得字君直江西弋陽人宋亡隱無為之南鄉州人知之相

與建樓城隍廟左迎居之事以師禮後潛往江南為薦者所偪

不屈死一統志

元蔡章洛陽人官閩省員外郎至正丁未越海北歸遇大魚擢

舟漂流七日從台州登岸至舒城遂家焉一統志

明齊克讓山東商河人元時官至中書省右丞相太祖命徙濡

須魚米之地以養其老江南舊通志

沈純長興人永樂閒官合肥令後升刑部主事愛合肥湖山之

勝買田以居廬州府志

陳壽字本仁江西新淦人成化進士官南兵部侍郎徙家合肥

正德壬申流賊之亂官軍躡其後所過侵掠壽嘗以都御史經

略邊鎮官軍向隸麾下聞壽在城中遂秋毫不犯一統志廬州府志

國朝杜純甲蜀人曾官安廬兵備參議解組後隱於廬之朝霞山

廬州府志

陳上善字元水吳人寓濡須最久山水古蹟多所題詠又有余

思復者字不遠福建將樂人工詩善書客游三十年久畱濡須

著有吳遊草廬州府志

沙白字定峯江陰人渡江至濡須訪其族弟畱久之郡中古蹟

多所題詠所著有定峯樂府見稱於時廬州府志按沙白疑即沙張白又著有史論

魏侯聘字爾賓崇明人官巢縣教諭罄囊修學貧不能歸諸生

為築室居之遂家焉廬州府志

張化鳳字羽皇河內人知連山縣後寓巢縣樂善好施人咸德

之廬州府志

熊嘉夢字魁吾三韓人束髮從戎官至都督寄居無為州廬州府志

張芳傳字蘭畹宛平人官貴筑知縣其祖國楨曾知無為州課

士勸農州人愛之後升廣信知府告歸遂寄居合肥廬州府志以上舊志

鳳陽府

周莊子者蒙人也名周嘗為蒙漆園吏其學無所不闕然其要

歸本於老子之言故其著書十餘萬言大抵率寓言也楚威王

迎以為相莊周笑辭之終身不仕史記嘗與惠子游於濠梁之上

相與言魚之樂莊子本書舊志

舊志莊子在仙釋江南通志人物不載莊子而藝文著錄其

書並注云今蒙城人古蹟又云漆園在今定遠縣即莊子為

吏處今按漢地理志蒙屬梁國史記正義引括地志漆園故

城在曹州冤句縣北十七里漢志冤句屬濟陰郡故梁也續

漢志梁國蒙有蒙澤即春秋之宋地故劉向別錄以莊子為

宋之蒙人春秋之曹國為宋所滅故漆園亦為宋地宋王偃

為齊魏楚所滅三分其地故蒙又為楚地沿革之故皆可推

尋而知又莊子釣於濮水之上曹濮皆今山東地故知莊子

非今蒙城人且定遠漢之東城屬九江郡與濟陰之冤句無

涉冤句今山東荷澤縣西南是也蒙城漢之山桑屬沛郡與

梁國之蒙無涉蒙今河南商邱縣東北是也惟濠水出故臨淮縣濠梁在臨淮西南濠水經鳳陽府城西七里觀魚臺前元和郡縣志所謂莊子與惠子觀魚處也蓋莊子嘗游臨淮又臨淮縣東有莊子墓卽寧宇記所云鍾離縣有莊子墓在縣東二里者也蓋莊子卒葬臨淮皆與蒙城無涉故列之流

寓餘詳辨訛云新修

漢董奉居鍾離爲人治病不取錢愈者使栽五株杏數年計千餘株令人將穀一器自往取杏一器以穀賑救貧乏供給行李不逮歲二萬餘斛今鳳陽縣南有杏山太平御覽 江南通志 舊志方技 新修按御覽引魏夫人內傳云董奉侯官人今鳳陽縣實有杏山故參通志載之

唐尉遲恭字敬德開國元勳封鄂國公後居定遠縣東鄉子孫

世爲定遠人墓在石羊岡江南通志

王質字華卿河汾人文中子五世孫少孤客壽春力耕以養母

講學不輟從受學者甚眾一統志 萬姓統譜

韓愈脫汴州之難居於符離韓文 新修

宋陳禾字秀貫鄞縣人曾爲左正言以諫宦寺權太盛謫監信

州酒稅屢起屢罷禾兄秉爲壽春府教授待兄官居適童貫領

兵道府下謁不得入餽之不受貫怒歸而譖之上曰此人素如

此汝不能容耶宋史 本傳

郭延澤字德潤彭城人曾官史館檢討歷國子博士咸平中致

仕居濠州城南有小園以自娛詠牡丹千餘首聚圖籍萬餘卷

手自刊校范果韓不皆與之游宋史 郭延澤傳 江南舊通志

元窮問律蒙古人勳臣忻都之後附籍鍾離登進士授安慶路

達嚕噶齊將之官病卒卽其所居表曰恩桂坊鳳陽府志

明周南老字正道道州人明初徵赴太常議郊祀禮禮成發臨

濠居住經義考

張宣字藻重江陰人以考禮徵預修元史授翰林編修坐事謫

徙臨濠明史趙璵傳

顧德輝字仲瑛崑山人子元臣爲元水軍副都萬戶吳平父子

並徙臨濠明史陶宗儀傳

唐肅山陰人元至正閒領鄉薦授嘉興路學正明初以例徙濠

州應薦召修禮樂書擢國史編修以疾失朝謫佃於濠之瞿相

山著有丹崖集江南通志

李彬初任定遠知縣歷河南巡撫先是定遠立彬生祠明亡遂

移居焉出入一蹇一僕混跡稠人中莫知其爲前開府也江南通志

黃璲字仲玉景泰閒訓導昌邑濱海樸陋璲加意教誨士風

聿變有昏惰欲求退者璲曰人才豈專於地產學業豈限於天

資少保忠宣黃公爾地人也乃當代名臣爾何不以鄉先哲爲

標準而甘自棄耶璲本上海人徙定遠兩地稱之曰我黃先生

云江南通志新增

萬元亨南昌人鳳陽推官文英子崇禎時流賊掠鳳陽知府顏

容暄爲所殺文英方臥病賊索之元亨年十八挺身代父出大

罵遇害文英獲免一統志舊志作萬文英傳人名宦不合改纂入此

莊桐南陽人曾知壽州崇禎八年流賊亂住居鍾離卒遂葬焉

子孫卽入鳳陽籍鳳陽縣志

國朝盧士珩漢軍鑲白旗人知靈璧縣罷官後無力歸里以例呈

請入籍鳳陽又宋文鑑漢軍舉人知臨淮縣解任後無力歸里

亦入籍鳳陽鳳陽縣志

盧清佩號紫庭山人不知其里居乾隆初流寓懷遠住東嶽宮

工書法行草入神在邑數十年兒童樵牧無不知有盧道人者

一夕有客過訪攜登卞和亭大哭聲聞數里後遂不復見懷遠縣志

以上舊志

冷向陽江甯人年十四父死江西卽往負骸骨歸後游幕於壽

州遂家焉壽州志以下新修

寶岳旗人前宿州知州寶仁之曾孫道梗寓於宿州咸豐十一

年率眾禦賊董家橋陣亡宿州志

穎州府

北魏劉模信都人太和中除穎州刺史寬猛相濟有治稱後遂

家於穎一統志

唐段珂汧陽人秀實孫僖宗時居穎州黃巢圍穎刺史欲以城

降珂募少年拒賊眾裹糧請從賊遂潰拜司馬唐書段秀實傳江南舊志

宋趙槩虞城人與歐陽修同居政府修謝事還穎槩單車過訪

流連踰月時呂公著為守置酒宴二公修賦詩以誌盛事榜其

宴飲地曰會老堂澗水燕談

歐陽發字伯和廬陵人修長子也弟棐字叔弼次弟辨字季默

以父修知穎隨父卜居於穎州發早卒棐與辨屢見於蘇軾在

穎唱和之詩江南通志

韓潭定陶人殿中丞德銘之孫愛霍邱淮水之勝遂卜居焉後

遷其祖同葬於蓼城之北授榮州學博調延縣主簿皆不赴穎州府志

王回侯官人退居穎州不肯仕一統志

明郭舉閩人官泗州學正入籍霍邱子元錫以歲貢任彰德府

通判有政聲穎州府志

黃著鄆都人隆慶時任霍邱教諭歷楚雄府推官致仕後愛霍

風土清醇遂卜居焉穎州府志

余慶餘姚人官霍邱尉得民心秩滿士庶挽留遂居霍入籍又

謝明教射洪人官霍教職愛霍之士沃風淳遂畱寓焉霍邱縣志

國朝馬位字思三武功人祖瑛知永嘉縣耿逆之變殉節死父逸

姿以蔭歷官布政司解任後居亳生位十歲工詩驚其坐客長

益淹貫酷近昌黎書法亦深入晉人之室乾隆初張照薦其才

授刑部主事升員外郎未幾卒年二十九著有南垞詩五卷浙

人邵廷建為葺補遺一卷亳州志

白文彩通州人順治中任霍邱尉有政績解官後遂籍於亳又

王九吉任邱人康熙時知霍邱縣卸事愛其風土淳厚亦卜居

焉霍邱縣志

張謙字致和上元諸生隨父睿文游學於亳遂卜居焉亳州志

舊志

喻治蒲江西撫州人安徽縣丞父庸禮寄居穎南地里城集擒

匪任柱攻圩一家被陷時治蒲自外返隨練入賊中救父出身

受重傷而死阜陽縣志

茅景商浙江山陰人安徽縣丞分理亳州關僑居於亳贈鬻女

者銀妻陳氏亦樂善道光癸卯亳饑渴河水溢佐夫平糶費錢

七千七百緡獨修河岸助修陳治溝橋子壩篋等並樂善好施

亳州志

趙玉直隸天津人河南知縣王廷棟之僕廷棟戍新疆遇赦歸

寓於毫玉隨往返咸豐三年廷棟已卒家屬避粵賊之難趙玉妻洪與趙子學普畱守均被害亳州志

滁州

明馮謙浙江慈谿人嘉靖丙辰進士官南禮部侍郎遊於南譙樂其風土遂卜築全椒西南襄河圩居焉邑人宜之滁州志

寶都遼東人天啟間有戚何汝章任滁陽驛丞因依以居嗜學不倦後領崇禎庚午鄉薦滁州志

林翹字蔚起莆田人官中書棄而隱於全椒愛神山之勝遂卜築焉博學精象緯風鑑諸書全椒縣志

庾嗣袞廣西靈川人曾官四川兵備道謫來安知縣罷官不歸遂畱而家焉來安縣志

周必遵字鳴珂蘇州人官來安教諭二十餘年歷知連江縣罷官後愛來安之簡僻遂卜居焉來安縣志

國朝李猶龍字豈耳陝西鄜陽人明末由貢生官兵部主事福王時監左夢熊軍遷太僕寺少卿入

國朝白皖移撫天津後募全椒風土淳厚遂家焉著有雪嶺耕夫集太乙鞭牛逢虎諸書卒葬滁州廣武衛郎峯山全椒縣志

汪槐字樗亭江甯縣人乾隆辛巳進士知商邱縣以艱歸寄居全椒乙巳歲饑布政使陳步瀛勘災至境槐為陳邑民疾苦遂

得賑卹全活甚多士人感其德遂占籍焉全椒縣志

俞保年字祝之江蘇上元監生寓全椒咸豐八年粵匪陷城合家殉難又上元歲貢江槐文生孫洪商人鄭向榮俱寓全椒家屬並各殉難均彙請

旌表

全椒縣志

重修來安縣志

卷之三

人物志

流寓

七

滁州

和州

晉紀瞻字思遠秣陵人徙家歷陽才兼文武忠亮雅正歷官領

軍將軍散騎常侍卒諡曰穆追封華容公晉書本傳 新增

梁孫謙字長遜東莞莒人客居歷陽躬耕以養弟妹鄉里稱其

敦睦歷仕零陵太守以年老徵為光祿大夫卒年九十二梁書本傳

增新

宋彭思永字季長廬陵人歷知太平州熙寧二年致仕寓居和

州卒葬於和子衛居父喪哀毀以孝聞通判趙州有清節一統志

江南通志

龔原字深之處州人歷官寶文閣待制出知廬州陳瓘彈蔡京

原與瓘善坐落職謫居和州起知亳州命下而卒宋史本傳

明危素字太樸金谿人仕元為翰林學士承旨入明為侍講學

士諱居和州守余闕廟卒明史本傳

沈元昌字泰來吳人工詩畫客含山卒葬東門外斗岡含山縣志

國朝許鏘字韻遠餘姚人前明天啟閒以貢授常州通判擒獲劇

盜有功順治初子暢以舉人官含山教諭遂僑寓焉著有秋塵

集英白堂山居詩行世含山縣志

陳馥字秋菴莆田人久客含山談鋒英發每屈四座詩文字畫

工妙入神含山縣志 以上舊志

廣德州

唐張志和嘗寓於廣德州北二十五里築臺溪水之旁釣以適

志意不在魚後人重之因名其地為釣臺廣德州志

宋盛瑞字晉祥河南人宣和閒進士紹興中愛不老泉之勝卜

居焉江南通志

黃震字東發慈谿人寶祐閒進士咸淳中任廣德州判因家焉

著有黃氏日鈔

廣德州志

景明襄陽人紹定時知江陵縣道經建平會父歿旅舍遂葬於

邑之東郊終身守墓

廣德州志

趙時晦寓居廣德州死元兵之難

江南通志

明倪原字本立湖廣人洪武初任廣德州判後寓居石碕湖東

善吟詠有詩集行世

廣德州志

王叔英字原采黃巖人建文時官翰林修撰奉詔募兵行至廣

德州知事不可為更衣冠書絕命詞藏衣裾閒自經於元妙觀

銀杏樹下道士盛希年葬之城西五里時御史古田林英亦在

廣德州募兵聞京城陷與妻宋氏俱自經

明史廣德州志

國朝乾隆四十一年王叔英

賜諡忠節林英

賜諡節愍

勝朝殉節諸臣錄

王豫字介夫烏程人萬歷丁丑進士官福建僉事免歸講學桐

川著周易翼方演艮卦而逝

廣德州志

錢德洪餘姚人初鄒守益守廣德州築復初書院以講學德洪

與王畿王艮前後皆來主講席畿山陰人講不貳過兩句云心

常定故不遷心常一故不貳

廣德州志以上舊志

六安州

宋程端中伊川之子知六安軍死於金寇葬霍之撞山子孫家

焉今六安英霍皆有支裔

六安州志

按池州志云葬於池英霍志皆言葬於霍姑兩存之以俟考

蘇景眉山子由之孫南渡時避亂霍山藏有子由告身一通

遂居於霍

六安州志

元程千四明道十世孫元末自穎至六安居九公山自明至今

世有奉祀

六安州志

明孔彥繪至聖六十世孫父善洪武中為英山教諭善父祥卒

於英卜葬焉畱彥繪守坐遂為英山人代有奉祀生

六安州志

馬震字啟東汲縣人成化丙戌進士官廣東參政愛六安風土

遂卜居焉子建工詩善書

六安州志

彭訓民字化欽順天人流寓六安詩有奇氣精通易理卜筮無

不驗

六安州志

孔希贊至聖五十六世孫奉其母隨外家之任六安未幾卒不

克還葬遂家焉成化閒題准蔭襲奉祀免其里繇

六安州志

閔貴瑯琊公五十七代孫成化時避寇寓六安生子達傳五世

孫文光題襲奉祀

六安州志

漆雕軻漆雕子後裔流寓六安世有奉祀

六安州志

邵起餘姚人崇禎時令蕪水調英山僑居於英後官至大梁道

解職歸卒於英

六安州志

史洪謨字經三廣甯人僑居六安登進士知宜陽縣罷歸乙亥

春流寇突至州守以公事出人心惶迫洪謨慷慨登陴奮勇禦

敵城賴以完

六安州志

賴某福建人崇禎時為英山縣尉十四年賊破新城巷戰受重

傷絕而復蘇後家於英

六安州志

劉安江西人官都指揮使崇禎時致仕遂居於霍歲旱助賑三

月多賴生全卒葬縣南三里馬鞍山

六安州志

國朝胡良鄉安定裔游學於六遂家焉十六世孫應順奉祀

六安州志

侯雍字碩膚順天人明駙馬拱宸孫襲錦衣衛指揮使工吟咏
嗜山水遊六安遂家焉六安州志

洪尋字味須流寓六安能詩善書工鐵筆兼畫山水著有指香

亭集六安州志

毛弼采字華階山陽諸生工詩善隸書寓六安四十年晚與州
中閻其淵等聯社賦詩飲酒名七老會既卒其子共扶櫬歸六安

州志 以

韋長春湖北人隨母乞食至霍山積傭工錢三百緡買田為太
陽保東河設渡費眾感其義斂資製筏以濟往來霍山縣志
新修

泗州

唐權皋字士繇泰州略陽人擢進士第安祿山表置幕府度祿
山必反奔臨淮天下皆仰其節唐書
本傳

呂伯宗東萊之後安撫盱眙卒於官子孫遂占籍焉盱眙縣志

明李楨文忠之父也嘗避兵至五河仁信縣築城其處土人稱

為曹公城五河縣志

林庭蘭洪武初知盱眙縣黃醮天順閒知盱眙縣皆卒於官子
孫俱占籍焉盱眙縣志

國朝馮之圖字祕菴興國人前明甲戌進士官參議順治閒訪舊
寓泗泗人從之遊講學論詩敦崇古義有先民風泗州志

黃周星晚遊江淮閒泗人慕其名延之教授其所著述奇峭入

古至今重之泗州志

楊廷欽武進人貢生官泗州教職卒於官其子孫家舊縣鎮盱眙縣志

伍三秀蜀人曾官河南推官康熙時流寓五河邑令延修邑志

因家於縣卒遂葬焉五河縣志

軒轅誥山東汶上人乾隆己未會元末第時嘗游學鳳泗數至

五河寓真武廟一時名流咸相與賡酬唱五河縣志

王之智丹徒人寓居五河其孫民皞中乾隆壬子副榜五河縣志

于宗林字子道丹徒人少隨父游學於五河嘉慶丙辰舉孝廉

方正以親老不赴家居侍養著有四箴齋文集五河縣志

以上舊志

林寶蘭字履齋丹徒人寓居五河乾隆壬子副榜

五河縣志

世李樹文忠之父出嘗撰五河志其書其表土人

因計泉東家之為父縣知事卒於官年經歲古

